

ხელშეკრულება

სახელმწიფო შესყიდვის შესახებ № _____

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად.

ქ. თბილისი

“_____“ _____, 202 წ.

შემსყიდველი: საქართველოს განათლებისა და მეცნიერების სამინისტრო, წარმოდგენილი მინისტრის
-----სახით;

მისამართი: ქ. თბილისი, დ. უზნაძის ქ. №52;

ტელ.: 2200 220

საბანკო რეკვიზიტები: სახელმწიფო ხაზინა, კოდი: TRESGE22; ა/ა GE24NB0330100200165022;

საიდენტიფიკაციო კოდი 202051224;

მიმწოდებელი: -----, წარმოდგენილი მისი დირექტორის ----- სახით,
მისამართი: -----

საბანკო რეკვიზიტები: -----

საიდენტიფიკაციო კოდი -----

ერთი მხრივ - შემსყიდველი და მეორე მხრივ - მიმწოდებელი, № SPA----- ელექტრონული
ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.

1.6 საქონელი/მომსახურება – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი და კლასიფიკატორის კოდი

ხელშეკრულების საგანს წარმოადგენს საქართველოს განათლებისა და მეცნიერების სამინისტროს ბალანსზე რიცხული 18 ავტომატური ტექნიკური მომსახურების/ შეკეთების შესყიდვა (CPV50100000). ავტომობილების რაოდენობა, მოდელი და სახელმწიფო ნომრები მოცემულია თანდართულ პრეისკურანტში (დანართი №1), რომელიც ერთვის ხელშეკრულებას და წარმოადგენს მის განუყოფელ ნაწილს.

3. ხელშეკრულების ღირებულება

3.1 ხელშეკრულების საერთო ღირებულება შეადგენს _____ (_____) ლარს.

3.2 ხელშეკრულებით გათვალისწინებული მომსახურების ერთეულის ფასები მოცემულია თანდართულ პრეისკურანტში (დანართი №1), რომელიც ერთვის ხელშეკრულებას და წარმოადგენს მის განუყოფელ ნაწილს. პრეისკურანტის ჯამური ღირებულება შეადგენს _____ (_____) ლარს.

3.3 თუ ხელშეკრულების მოქმედების პერიოდში აღმოჩნდება, რომ განფასების ცხრილში არ არის საჭირო მომსახურება ან/და სათადარიგო ნაწილი, ამ შემთხვევაში მიმწოდებელი ვალდებულია შემსყიდველის მიერ ბაზრის კვლევის შედეგად დადგენილი უმცირესი ფასის გათვალისწინებით და მიმწოდებელთან შეთანხმებით გაუწიოს მომსახურება ან/და მიაწოდოს სათადარიგო ნაწილი (ახალი/მოერადი), სატენდერო პირობების და ხელშეკრულებით განსაზღვრული საგარანტიო პირობებისა და ვადების შესაბამისად (ასეთ შემთხვევაში პრეისკურანტში ავტოსატრანსპორტო საშუალების ტექნიკური მომსახურების ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს).

3.4 დეფიციტური დეტალის შემთხვევაში, თუ შემსყიდველი დაეთანხმება აღნიშნულს: დეტალის აღდგენის ღირებულება განისაზღვროს პრეისკურანტით გათვალისწინებული ღირებულების 50% ოდენობით, ხოლო მეორადი დეტალის შემთხვევაში პრეისკურანტით გათვალისწინებული ღირებულების 60% ოდენობით.

3.5 ხელშეკრულების ჯამური ღირებულება მოიცავს შემსრულებლის ყველა ხარჯსა და საქართველოს კანონმდებლობით დადგენილ ყველა გადასახადს.

4. ანგარიშსწორების ფორმა და ვადები

4.1 მიმწოდებელთან განხორციელდება უნაღდო ანგარიშსწორების წესით ეროვნულ ვალუტაში.

4.2 ანგარიშსწორება მოხდება მიღება-ჩაბარების აქტის გაფორმების საფუძველზე. ეტაპობრივად, ფაქტიურად მიწოდებული საქონლის და თანმდევი მომსახურების ღირებულების მიხედვით,

4.3 მიმწოდებელთან ანგარიშსწორება განხორციელდება შესაბამისი დოკუმენტაციის ხელმოწერიდან 10 (ათი) სამუშაო დღის განმავლობაში.

4.4 წინასწარი ანგარიშსწორება არ გამოიყენება.

4.5 დაფინანსების წყაროს წარმოადგენს: განათლებისა და მეცნიერების სამინისტროს 2024 წლის ასიგნებები: "განათლების, მეცნიერებისა და ახალგაზრდობის სფეროებში სახელმწიფო პოლიტიკის შემუშავება და პროგრამების მართვა" (პროგრამული კოდი 32 01 01).“;

5. შესყიდვის ობიექტის მიღება-ჩაბარების წესი

5.1 ავტომობილების ტექნიკური მომსახურება/შეკეთება მიღებულად ჩაითვლება მხოლოდ შემდეგი პირობებით: მომსახურება ჩაითვლება გაწეულად მხოლოდ კანონმდებლობით დადგენილი დოკუმენტაციის (დეფექტური აქტი, მიღება-ჩაბარების აქტი და შესაბამისი ფინანსური დოკუმენტაცია) გაფორმების შემდეგ.

5.2 საქართველოს განათლებისა და მეცნიერების სამინისტროს მხრიდან მიღება-ჩაბარების აქტზე ხელმოწერ უფლებამოსილ პირს წარმოადგენს _____ ან შესაბამისად უფლებამოსილი პირი _____ (დაზუსტდება ხელშეკრულების გაფორმების დროს).

5.3 საქართველოს განათლებისა და მეცნიერების სამინისტროს მხრიდან დეფექტურ აქტზე და შესრულებული სამუშაოს აქტზე ხელმოწერ უფლებამოსილ პირებს წარმოადგენენ: _____ (დაზუსტდება ხელშეკრულების გაფორმების დროს)

6. შესყიდვის ობიექტის მიწოდების პირობები და ადგილი

6.1 ავტომობილების ტექნიკური მომსახურება/ შეკეთება გაწეული უნდა იქნეს შემსყიდველისთვის მოთხოვნის შესაბამისად, დაუყოვნებლივ, რიგგარეშე. დეფექტური აქტი უნდა გაფორმდეს ავტომობილის სერვის-ცენტრში მიყვანისთანავე, ხოლო შეკეთება არაუგვიანეს 2 კალენდარული დღის ვადაში, პრეისკურანტით (დანართი №1-ით) განსაზღვრული სავარაუდოდ საჭირო სათადარიგო ნაწილებისა და ტექნიკური მომსახურების ჩამონათვალში მითითებული ერთეულის ფასების მიხედვით 2024 წლის 31 დეკემბრის ჩათვლით.

6.2 მიმწოდებლის არგუმენტის საფუძველზე შემსყიდველი უფლებამოსილია განუსაზღვროს დამატებითი გონივრული ვადა შესყიდვის ობიექტის მიწოდებასა და თანმდევ მომსახურებაზე, რაზედაც გაფორმდება ურთიერთშეთანხმების აქტი:

- სავალი ნაწილებისათვის - 2 კალენდარულ დღე;

- ელექტრობისათვის - 3 კალენდარულ დღე;

- ხანგრძლივი მომსახურების (ძრავი, ხიდი, გადაცემათა კოლოფი) გაწევისას - 20 კალენდარულ დღე;

- ყველა სხვა დანარჩენი მომსახურება, რომელიც არ არის განსაზღვრული ზემოაღნიშნულ ჩამონათვალში - 10 კალენდარულ დღე;

- სათადარიგო ნაწილის საზღვარგარეთ შეკვეთის შემთხვევაში მომსახურების გაწევის ვადა - არაუმეტეს 30 კალენდარულ დღე;

ურთიერთშეთანხმების აქტზე ხელმომწერ უფლებამოსილ პირს წარმოადგენს საქართველოს განათლებისა და მეცნიერების სამინისტროს _____ (დაზუსტდება ხელშეკრულების გაფორმების დროს).

6.3 დეფექტური აქტი უნდა გაფორმდეს ავტოლობილის სერვის-ცენტრში მიყვანიდან და შემსყიდველის მხრიდან დეფექტური აქტის ხელმომწერი პირის სერვისცენტრში გამოცხადებიდან 2 კალენდარული დღის ვადაში.

6.4 შესყიდვის ობიექტის მიწოდების ადგილია: ქ. თბილისი, -----

7. მხარეთა უფლება-მოვალეობები

7.1. მიმწოდებელი ვალდებულია შემსყიდველს მიაწოდოს ხელშეკრულების დანართში მითითებული საქონელი და გაუწიოს მომსახურება ხელშეკრულების პირობების შესაბამისად. იგი პასუხისმგებელია მიწოდებული საქონლის და გაწეული მომსახურების ხარისხზე.

7.2 მიმწოდებელი ვალდებულია ხელშეკრულების მოქმედების პერიოდში, ავტოსათადარიგო ნაწილის საქართველოს ფარგლებს გარეთ შეკვეთისას, ავტომანქანაზე დეფექტური აქტის შედგენიდან 2 (ორი) კალენდარული დღის ვადაში წარუდგინოს შემსყიდველს შეკვეთის დამადასტურებელი დოკუმენტი (ბეჭდვითი ფორმით (არ უნდა იყოს ხელნაწერი); დოკუმენტი უნდა შეიცავდეს ინფორმაციას შეკვეთილი დეტალის/სათადარიგო ნაწილის, შეკვეთის განხორციელების თარიღის და შეკვეთით განსაზღვრული დეტალის ჩამოსვლის თარიღის შესახებ).

7.3 მიმწოდებელი უფლებამოსილია მოსთხოვოს შემსყიდველს მიწოდებული საქონლის და გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.

7.4 შემსყიდველი ვალდებულია უზრუნველყოს მიწოდებული საქონლის და გაწეული მომსახურების ღირებულების ანაზღაურება ხელშეკრულებით გათვალისწინებულ ვადაში.

7.5 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი.

8. გარანტია

8.1 ექსპლუატაციის პირობების დაცვის შემთხვევაში (თუ არ აღინიშნება გარეგანი მექანიკური ზემოქმედებით გამოწვეული დაზიანება) მიმწოდებლის მიერ გაწეულ ტექ-მომსახურებზე, ახალ (არამეორად), შეკეთებულ და მეორად ნაწილებზე გარანტია უნდა ვრცელდებოდეს გარანტია მიღება-ჩაბარების აქტის ხელმოწერიდან:

- ძრავის რემონტზე ან სხვა ძრავით (ახალი, მეორადი) შეცვლის შემთხვევაში - არანაკლებ 6 თვე ან 50000 კმ. გარბენი, (რომელიც უფრო ადრე შესრულდება) იმ შემთხვევაშიც თუ ძრავის ზეთის და ზეთისფილტრის შეცვლა განხორციელდება სხვა სერვისში;

- გადაცემათა კოლოფის რემონტზე ან სხვა გადაცემათა კოლოფით (ახალი, მეორადი) შეცვლის შემთხვევაში - არანაკლებ 6 თვე ან 20 000 კმ. გარბენი, (რომელიც უფრო ადრე შესრულდება);

- გამანაწილებელი კოლოფის რემონტზე ან სხვა გამანაწილებელი კოლოფით (ახალი, მეორადი) შეცვლის შემთხვევაში - არანაკლებ 6 თვე ან 20 000 კმ. გარბენი, (რომელიც უფრო ადრე შესრულდება);

- ხიდის რემონტზე ან სხვა ხიდით (ახალი, მეორადი) შეცვლის შემთხვევაში - არანაკლებ 6 თვე ან 20000 კმ. გარბენი, (რომელიც უფრო ადრე შესრულდება);

- სავალი ნაწილები - 6 თვე ან 20 000 კმ. გარბენი, (რომელიც უფრო ადრე შესრულდება);

- გადაბმულობის სისტემა - 6 თვე ან 20 000 კმ. გარბენი, (რომელიც უფრო ადრე შესრულდება);

- მექანიზმები - არანაკლებ 6 თვე ან 20 000 კმ. გარბენი, (რომელიც უფრო ადრე შესრულდება);

- ხოლო დანაჩენ ნაწილებზე უნდა ვრცელდებოდეს გარანტია მიღება-ჩაბარების აქტის ხელმოწერიდან მინიმუმ 6 თვის განმავლობაში (ხუნდები არანაკლებ 8000 კმ., საცხებ-საპოხ მასალებზე არანაკლებ 5000კმ.).

- საგარანტიო მომსახურების 6 თვიანი ვადა არ ვრცელდება ავტომობილების ფილტრებზე (ჰაერის, სალონის, საწვავის, ზეთის) და გამოცლა განხორციელდება საჭიროების შესაბამისად, მოთხოვნისთანავე;

8.2 შემსყიდველის მხრიდან საქონლის ექსპლუატაციის ნორმების დაცვის შემთხვევაში, თუ აღმოჩნდა, რომ მიმწოდებლის მიერ არ არის სრულყოფილად შესრულებული მომსახურება და/ან შეცვლილი ნაწილი აღმოჩნდა წუნდებული, მიმწოდებელი ვალდებულია აღმოჩენილი ხარვეზი აღმოფხვრას საკუთარი ხარჯებით, საჭიროების შემთხვევაში უზრუნველყოს წუნდებული საქონლის შეცვლა ახლით და ხარვეზით განხორციელებული მომსახურების გამოსწორება, ასეთი ხარვეზის/წუნის გამოვლენის შესახებ დეფექტური აქტის გაფორმების დღიდან 2 კალენდარული დღის ვადაში.

8.3 არგუმენტის საფუძველზე შემსყიდველი უფლებამოსილია განუსაზღვროს დამატებითი ვადა წუნდებული საქონლის შესაკეთებლად ან შესაცვლელად.

9. ხელშეკრულების შესრულების კონტროლი

9.1 შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან, ხელშეკრულებით გათვალისწინებული პირობების დარღვევის შემთხვევაში კონტროლის განმახორციელებელი პირის მიერ გაფორმდება შესაბამისი დოკუმენტაცია (ინსპექტირების აქტი). კონტროლის განმახორციელებელი პირი ასევე ამოწმებს წუნდებული საქონლის მიმწოდებლის მიერ ახლით ჩანაცვლებული ან შეკეთებული საქონლის ტექნიკურ გამართულობას, ხელშეკრულებით გათვალისწინებული პირობების დარღვევის შემთხვევაში კონტროლის განმახორციელებელი პირის მიერ ასევე გაფორმდება შესაბამისი დოკუმენტაცია (ინსპექტირების აქტი).

9.2 ხელშეკრულების 9.1 პუნქტით გათვალისწინებულ კონტროლს განახორციელებს საქართველოს განათლებისა და მეცნიერების სამინისტროს _____ (დაზუსტდება ხელშეკრულების გაფორმების დროს).

9.3 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის ჩატარებისათვის აუცილებელი პერსონალით, სხვა სამუშაო პირობებით.

9.4 მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

9.5 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულებით გათვალისწინებული ვალდებულებებისაგან.

10. ხელშეკრულების პირობების შეუსრულებლობა

10.1 ფორს-მაჟორული პირობების გარდა, შემსყიდველი უფლებამოსილია ხელშეკრულებით ნაკისრი ვალდებულების დაგვიანებით შესრულების შემთხვევაში, დააკისროს მიმწოდებელს პირგასამტეხლო ყოველ ვადაგადაცილებულ დღეზე გაუწეველი მომსახურების ღირებულების 0,02%-ის ოდენობით.

10.2 მიმწოდებლის მიერ ხელშეკრულებით ნაკისრი ვალდებულების შეუსრულებლობის შემთხვევაში, შემსყიდველი უფლებამოსილია დააკისროს მიმწოდებელს პირგასამტეხლოს გადახდა ხელშეკრულების საერთო ღირებულების 5%-ის ოდენობით.

10.3 მიმწოდებლის მიერ ხელშეკრულებით ნაკისრი ვალდებულების არაჯეროვანი (ნაწილობრივ) შესრულების შემთხვევაში, შემსყიდველი უფლებამოსილია დააკისროს მიმწოდებელს პირგასამტეხლოს გადახდა შესასრულებელი ვალდებულების ღირებულების 5%-ის ოდენობით.

10.4 იმ შემთხვევაში, თუ მიმწოდებელი ხელშეკრულებით ნაკისრი ვალდებულების შესრულებას გადააჭარბებს 10 კალენდარული დღით ან/და არაჯეროვნად შეასრულებს, შემსყიდველი იტოვებს უფლებას ცალმხრივად შეწყვიტოს ხელშეკრულება და ასევე, გამოიყენოს ამ მუხლის 10.3 პუნქტით გათვალისწინებული პირობები.

10.5 მე-4 მუხლის 4.3 პუნქტში მითითებული ვადის გადაცილების შემთხვევაში მიმწოდებელი უფლებამოსილია შემსყიდველს დააკისროს პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით.

10.6 დაკისრებული პირგასამტეხლო გადახდილ უნდა იქნას მხარისათვის აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) შეტყობინებიდან არაუგვიანეს 1 თვის ვადისა.

11. ხელშეკრულებაში ცვლილებების შეტანა და ხელშეკრულების შეწყვეტა

11.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

11.4 თუ რაიმე წინასწარ გაუთვალისწინებელი მიზეზების გამო წარმოიშვება ხელშეკრულების პირობების შეცვლის აუცილებლობა, ცვლილების შეტანის ინიციატორი ვალდებულია წერილობით წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს შესაბამისი ინფორმაცია.

11.5 იმ შემთხვევაში როდესაც საქართველოს კანონმდებლობით განისაზღვრება იმგვარი პირობა რითაც ერთერთი მხარე ვეღარ ასრულებს ხელშეკრულებით გათვალისწინებულ ვალდებულებას, შესაბამისი მხარე უფლებამოსილია ცალმხრივად შეწყვიტოს ხელშეკრულება.

11.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12. ფორს-მაჟორი

12.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

12.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათგან დამოუკიდებელ გარემოებებს, რომლებიც არ არის დაკავშირებული შემსყიდველის და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

12.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

13. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14. ინტერესთა კონფლიქტი

“სახელმწიფო შესყიდვების შესახებ” საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე და მიღება-ჩაბარების აქტზე ხელმოწერი და კონტროლის განმახორციელებელი პირები სრულად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში მიმწოდებელთან.

15. ხელშეკრულების მოქმედების ვადა

15.1 ხელშეკრულება ძალაში შედის მისი ხელმოწერის დღიდან და მოქმედებს 2025 წლის _____ ჩათვლით, მხარეთა მიერ ნაკისრი ვალდებულებების სრულად შესრულებამდე.

15.2 მხარეები ვალდებული არიან ხელშეკრულების ვადის გასვლის შემდეგაც შეასრულონ თავისი ვალდებულებები, თუ ეს ვალდებულებები წარმოიქმნა ხელშეკრულებით გათვალისწინებული პირობებით.

16. ზოგადი დებულებები

16.1 არც ერთ მხარეს არ აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებები გაასხვისოს ან გადასცეს მესამე პირებს.

16.2 მხარეები თანხმდებიან, რომ ის ურთიერთობანი, რომლებიც არ იქნა დარეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

16.3 ხელშეკრულება და მასთან დაკავშირებული ყველა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე.

16.4 2024 წლის 1 იანვრიდან შემსყიდველის სახელწოდება განისაზღვროს შემდეგნაირად: "საქართველოს განათლების, მეცნიერებისა და ახალგაზრდობის სამინისტრო".

16.5 ხელშეკრულება ფორმდება ელექტრონულად.

მხარეები არსებითად ეთანხმებიან წინამდებარე ხელშეკრულების პირობებს, რასაც ადასტურებენ ხელმოწერით:

მიმწოდებელი: -----

მისამართი: -----

ტელ: -----

საბანკო რეკვიზიტები: -----

ანგ.N -----

ს/კ -----

შემსყიდველი: საქართველოს განათლებისა და მეცნიერების სამინისტრო,

მისამართი: ქ. თბილისი, დ. უზნაძის ქ. №52;

ტელ.: 2200 220

საბანკო რეკვიზიტები: სახელმწიფო ხაზინა, კოდი: TRESGE22;

ა/ა GE24NB0330100200165022;

საიდენტიფიკაციო კოდი 202051224;